

3. Eimer 12. maß / den Eimer für 64. maß ge-  
rechnet / Darauß Radix quadrata / ist 8. Ist  
die rechtequirt tieff / an eyner Ruten gefallen /  
auff  $4\frac{1}{2}$  leng / Die ganze leng des faß / auff 8  
 $\frac{1}{2}$  leng / Die frag / auff wievil lenge / vnd teileys  
ner lenge / der 8. Diameter steen sol? Facit  $6\frac{1}{2}$   
leng.

Wie künstlich die Diameter / auff eyne  
Ruten / durch Arithmetican / weiter mit iren  
Tieffpuncten / auff eynes yeden Lands Eich /  
zûsuchen / vñ wie leichtfertig ein solche Ruth /  
dann durch Geometricam zû finden / vnd zû  
uerfertigen / auch zûgebrauchen sey / Sol im  
Kürtz / wils Got / trewlich an tag geben werde.  
Hiemit ich alle ansehende Schuler / inn diser  
Kunst / mit diesem Rechenbüchlein wil verehret  
haben / Fleißig bit / solchs gütlich anzunemen  
Ob yrgendts was versehen / oder nicht ganz  
gründtlich beschrieben / willigklich zû rechtfer-  
tigen / vnd im besten vermercken / was etli-  
che Schimpff Rechnung / hiemit nicht  
gemelt belanget / Kan ein yeder schü-  
ler / in der Lernung / mit Kürtz /  
Durch vnderweysung  
vberkummen.